

آبونه شرائطی

ممالك عثمانیه ده سنه لکى (۶۵) ، آلى
ایلى (۲۵) غروشدرد .
ممالك اجنبیه ده سنه لکى (۱۷) ، آلى
ایلى (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلى پشندرد .

§

مسلكه موافق آثار مع الممنونیه قبول
اولنور . درج ابدله ين يازيلر اعاده
اولونماز .

المجله

۱۳۳۰

دينى ، فلسفى ، علمى ، ادبى هفتعلق مجموعه اسلاميه در .
باش محرر
محمد عاكف
صاحب و مدير مسئول
اشرف اديب

والله يهدى من يشاء الى صراط مستقيم

اتبعون اهدكم سبيل الرشاد

اخطارات

رساله مزدن آلندينى كومسترك شريطه
بتون يازيلر رهائى برغتمسرفندن
اقتباس اولونه يايير .

§

مكتوبلرك ، امضالرى واضح و اوثاقلى
اولدى و آبونه سره نوموسنى محتوى
بولونسى لازمدر .

§

ممالك اجنبيه ايچون آبونه اولانلرك
آدرسلىك فرانسزجه ده يازلسى رجا
اولنور .

§

پاره كوندردلدىكى زمان نه يه دائر اولديغلك
واضحاً بيلديرىلدى رجا اولنور .

عدد ۳۱۸

۲۹ محرم ۱۳۳۳

پنجشنبه

۴ كانون اول ۱۳۳۰

جلد ۱۳

نطق هایون حضرت خلافتناهی

کانون اولک برنجی کونی رسم کشادی اجرا بویوریلان مجلس عمومی ملیده مایین هایون باش کابی طرفندن قرائت بویورولان نطق هایون افتتاحی حضرت خلافتناهی صورت منیفه سی در :

محترم اعیان و مبعوثان

اوجنجه انتخابات اوزرینه کچن تشرین ثانی بدایتناهی اجتماعی لازم کلن مجلس ملیک بر آئی تأجیلدن صوکره برنجی دوره اجتماعی سی کشاده بی موفق بویوران جناب حقه حد و ثنا ایدر و سزله بیسان خوش آمدی ایله دم .

دولتله اولان مناسباتمه وقت وقت اجرای سوء تأثیردن خالی قالمیان مسائل معلقه بی بر طرف، ایدرک خارجی غوائل و مشکلاتک امکان ظهوری ازاله ایله اصلاحات و ترقیات داخلیه کرمی تام ویرمک و بصورتله بالقان حریتک موجب اولدینی ضایعات و مصائبی بر آن اول تلافی ایله ملک اوزره صرف مزید غیرت ایتمکده ایکن آوروپاده صلح عمومینک واسع مقیاسده مختل اولمشدن متولد بحران عظیم اوزرینه حقوق و منافع سیاسی مزک مدافعه و محافظه سی مسئله سی بالطبع هر شیشه تقدیم ایتمکله اعلان بیطرفی ایله برابر عموم قوای بریه و بحریه مزک سفر بر حاله وضعی اراده ایتم .

حکومت سنییه من اختیار ایتمیکی مسلح بیطرفلقدنه ثباته عزم ایتمش ایکن ده ناغای هایونمز قره دکزده روس دوناماسنک تجاوزانه دوچار اولمش و متعاقباً روسیه و انکلتزه و فرانسه دولتری حدودلری عسکر و دوناماسوق ایله فعلاً مخاصماته باشلامش اولدقلرندن عون باری و عنایت پیغمبری به بالنوسل دول مذکوریه قارشلی حال حربی اعلان ایله حدودلرده کی اردولریه ایلری حرکت امرینی ویردم .

روسیه ، فرانسه و انکلتزه دولترینک عالم اسلام علیه اوتهدن بری تعقیب ایلدکاری سیاست احما کارانه نک سلاح قوتیه رفی فریضه دینه حکمنی آلدیغندن اصدار اولونان فتاوی شریفه موجبجه بالجمله مسلمینی بونلرک و معاونی اولان دولترک علیه جهاده دعوت ایله دم . اردوی هایونک حدودلرده و دونامامزک قاره دکزده کوستردیکی شجاعت و بسالت تاریخمزک مآثر قهرمانانه سی میسانده اک بویوک بر موقع طوته جقدر .

سفر بزلک امرینه کوستریلن اجابت سربیه و منتظمه و لوازم عسکریه تدارکنده اظهار اولونان غیرت فوق العاده ملتزمک مدافعه وطن اوغرنده بر کتله حیت اولدیغنی انبات ایتمش و بو حرکت علویه و طنبورورانه بحق شایان تقدیر بولومشد .

مجلس ملیمزک دخی مذاکرات و اجتهاداتنه عین اتحاد و اتفاق آثارنی اراده ایله جکینی امید ایدر و تخصیصات عسکریه به متدائر و توزین قوا اساسانه متعلق قوه اجراییه مزجه تکلیف اولونه حق

قانون اساسی تعدیلاتنک و قوانین سائر لایحه لرینک سرعتله تدقیق ایلمه سنه انتظار ایله دم .

معظم متقلریمز آلمانیا و آوستریا - مجارستان دولترینک شانلی اردولری طرفندن مشترک دشمنلره قارشلی آوروپاده احراز اولونان مظاہرات متوالیه قوای بریه و بحریه مزک و امر شرعی ایله روسیه ، انکلتزه و فرانسه به قارشلی جهاده دعوت ایکیلن مجاهدین اسلامک آسیا و آفریقاده بارلاق ظفرلر علاوه ایله جکینه و بوندن صوکره جناب حقک محافظه حق و عدل ایچون سلاحه صاریلش اولان دولت عالیله و چار اقطار جهانده کی اسلاملره شرف و سعادتله مبشر بر استقبال بخش ایله جکینه معتقدم .

دولتمزجه و قبیله اجانبه بخش اولونان مساعدات مخصوصه آنا قاناً اشکال و مقاصدینی تبدیل ایدرک حقوق حکمرانیزی خللدار ایدیجی برماهیت مضره اکتساب ایله مش اولدیغندن حقوق بین الدول اساساتندن هیچ برینه تماس ایتمین و قایتولاسیون نامی آلتنده اجتماع ایدن بالجمله امتیازات اجنبیه نک رفعتی اراده ایدرک دول سائرده اولدینی کبی ممالک شاهانه مدد دخی اجانب و بونلره متعلق معاملات حقنده حقوق بین الملل احکامنک تطبیقی اصولی وضع ایله دم .

حرب عمومی به اشتراک ایتمین دول معظمه و حکومت سائره و بالخاصه قومشومن بولغارستان ایله مناسبات سیاسی مزک کماکان خالصانه و دوستانه اولدیغنی مع الممنونیه بیان ایدر دم .

سلامت دولت و مملکتته مصروف اوله جق مساعیکزک توفیقات ربانییه مظهریتی جناب حقدن نیاز و مجلس عمومی نی کشادایله دم .

اسلام دشمنلری نه یوزله مسلمانلردن صداقت بکله یورلر ؟

بو صیروده اروپا مطبوعاتی بوصله بی شاشیره رق عقل و منطقه سیغمز درلو درلو بیاناتده بولنقدده درلر . فرانسه و انکلتزه مطبوعاتی جهاد مقدسک خلیفه اسلام طرفندن اعلانندن صوکره دخی فرانسه و انکلتزه نک زیر اداره سنده بولنان مسلمانلرک کندی دولترینه صادق قاله جقلرینه و دولة الخلافه نک خاطری ایچون کندی راحت و آسایشلرینی تهلکیه به معرض قلمیه جقلرینه بیان امنیت و اعتماد ایدرک ، فتاوی شریفه نک عالم اسلام اوزرنده هیچ بر تأثیر حصوله کتیرمه جکینه اصرار و عنساد ایدوب طور یورلر . حالبوکه حقیقت حالده کرک انکلتزه ، کرک فرانسه حکومتلرینک جهاد اعلانیله فتاوی شریفه نک اصدارندن صوک درجه تلاشه دوشمش اولدقلری ، لوندیره کی باطنیلر رئیس آقا خان ، بارسده کی انکلز دالقاو قلرندن محمد اک واحد ایله بنه بارسده بولنان سنه غال اصیلزادگانندن (۱) برینه و مصرده کی مرغنی شیخه مراجعت ایدوب ، مسلمانلره خطاباً کندی لهلرینه بیاننامه استحصال ایلرله ثابتدر . انکلتزه و فرانسه ظن لیدیورلرکه ، بوکی صایلمش دالقاو قلرک سوزلری عالم اسلام اوزرنده بر تأثیر وجوده کتیره بیلیر .